

RESOLUCIÓN RECTORAL DE 8 DE XULLO DE 2004 POLA QUE A UNIVERSIDADE DE VIGO, EN COLABORACIÓN CON CAIXANOVA, FAI PÚBLICA A CONVOCATORIA DUNHA BOLSA DE COLABORACIÓN COA COMISIÓN DA CÁTEDRA CAIXANOVA DE ESTUDOS FEMINISTAS

OBXECTIVO:

O obxectivo xenérico desta bolsa é a colaboración coa Comisión da Cátedra Caixanova de Estudos Feministas para impulsar os programas e actividades de investigación promovidas pola Cátedra, así como facilitar a súa repercusión en programas de actuación social e pública. As actuacións e liñas de traballo máis concretas seranlle asignadas por parte da Comisión.

REQUISITOS DOS/AS SOLICITANTES

Os/as solicitantes da bolsa deberán cumpri-los seguintes requisitos:

- Non ter disfrutado de bolsas FPI, FPU ou equivalentes.
- Ter unha nota media de expediente académico superior ou igual a 1,5 agás no ámbito de Ensinanzas Técnicas que deberá ser superior ou igual a 1,2.
- Posuír a nacionalidade española, ou ser nacional dun Estado membro da Unión Europea.
- Ser alumno/a da Universidade de Vigo que esté nalgunha das seguintes situacións:
 - ▶ Estudante de Terceiro Ciclo na fase de elaboración da tese de doutoramento cunha liña de investigación en feminismo e que teña obtido o diploma de estudos avanzados a partir do 30 de xuño de 2002.
 - ▶ Estudante do matriculado/a no último ano de carreira no curso 2003/04.
 - ▶ Titulados/as e/ou doutores/as que teñan vinculación coa Universidade de Vigo.
- Non ter disfrutado destas bolsas ou doutras homologadas a elas en anteriores convocatorias.

FORMALIZACIÓN DAS SOLICITUDES:

As solicitudes, que deberán ser remitidas polo/a interesado/a, dirixiranse ó Sr. Reitor da Universidade de Vigo, xunto coa seguinte documentación:

- Solicitud de subvención segundo impreso normalizado VR-38.
- Fotocopia do D.N.I., ou equivalente para os nacionais dos Estados membros da Unión Europea.
- Curriculum vitae con documentos acreditativos. (Ver Anexo).
- Certificación Académica do período de docencia (1º) do terceiro ciclo de estudos universitarios.

- Certificación académica detallada dos estudos universitarios na que figuren as cualificacións obtidas, as súas datas de obtención e o nº exacto de convocatorias investidas en cada materia (orixinal ou fotocopia compulsada). Non serán válidas as certificacións extractadas do expediente académico do/a solicitante.

No caso de estudos validados, deberá presentarse así mesmo certificación académica, de idénticas características, para os estudos de orixe.

Os/as que acceden ó 2º ciclo dunha licenciatura a través do correspondente curso de adaptación, por estar en posesión dun título de diplomado ou por ter realizado o 1º ciclo dalgunha titulación que permita o acceso ao 2º ciclo, para efectos de determinación da media do expediente académico deberán achegar ademais da certificación correspondente ao curso de adaptación e a do segundo ciclo, a referente á diplomatura ou aos estudos de 1º ciclo realizados.

Os títulos obtidos no estranxeiro ou en centros non estatais deberán estar validados ou recoñecidos na data de finalización do prazo de presentación das solicitudes e deberán achegar, se é o caso, as oportunas táboas de equivalencias oficiais das cualificacións.

PRAZO E LUGAR DE PRESENTACIÓN:

O prazo de presentación de solicitudes rematará ás **14.00 horas do 30 de xullo de 2004**.

As solicitudes poden presentarse no Rexistro Xeral da Universidade (Reitoría, Campus de Vigo) ou nos rexistros auxiliares de Vigo (Reitoría, Rúa Areal 46), do Campus de Ourense (Edificio Administrativo) e do Campus de Pontevedra (Facultade de CC. Sociais e da Comunicación).

CONTÍA E PERÍODO DE DISFRUTE

A dotación da bolsa será de 3.000 €, sendo de aplicación a normativa sobre o I.R.P.F.

O período de disfrute da axuda será de 6 meses, que será prorrogable, ata chegar a un máximo de dous anos, por acordo da Comisión de seguimento.

A Universidade de Vigo subscribirá ademais en beneficio do bolseiro un seguro combinado de accidentes.

A aceptación da bolsa farase mediante documento asinado polo/a bolseiro/a no que se compromete a cumprir tódalas condicións recollidas nas presentes bases, e iniciaranse entón os trámites para proceder ós correspondentes pagamentos.

AVALIACIÓN E SELECCIÓN

A Comisión da Cátedra Caixanova de Estudos Feministas arbitrará os mecanismos e medios para proceder á avaliación e selección das solicitudes presentadas tomando como base os seguintes criterios:

- Nota media do expediente académico do/a solicitante.
- Curriculum Vitae do/a solicitante, (para a valoración do currículo terase en conta o baremo que aparece no Anexo, así como a documentación que se esixe en cada caso).
- Nota media do curso de docencia (1º) do terceiro ciclo de estudos universitarios.
Como norma xeral, quedarán excluídos os/as solicitantes que teñan concedida unha bolsa predoutoral (FPI, FPU, Xunta de Galicia).

Efectuada a valoración, a Comisión da Cátedra Caixanova de Estudos Feministas fará pública nos taboleiros dos diferentes rexistros da Universidade de Vigo a proposta provisional da bolsa adxudicada, para que no prazo de dez días hábiles se presenten

as reclamacións oportunas. Transcorrido este prazo, a Comisión elevará unha proposta definitiva de resolución ao Sr. Reitor da Universidade de Vigo.

O non axustarse á convocatoria e aos requisitos dos/as solicitantes, así como, a ocultación de datos, a súa alteración, ou calquera manipulación da información solicitada será causa de desestimación da solicitude.

CONDICIÓNS DE DISFRUTE DA BOLSA E OBRIGAS DOS/AS BOLSEIROS/AS:

O/a bolseiro/a realizará tarefas de formación e colaboración en réxime de dedicación total. O disfrute dunha bolsa ao abeiro desta convocatoria é incompatible con calquera outra bolsa ou axuda financiada con fondos públicos ou privados españois ou comunitarios así como con soldos ou salarios que impliquen vinculación contractual ou estatutaria do interesado, agás os emolumentos derivados de contratos realizados en aplicación do artigo 83 da Lei Orgánica 6/2001 do 21 de decembro de Universidades (BOE do 24 de decembro de 2001).

En ningún caso será compatible cun contrato administrativo ou laboral de traballo.

Estas bolsas non establecen relación contractual coa Universidade de Vigo.

O incumprimento por parte do/a bolseiro/a dalgunha das condicións recollidas nas presentes bases suporá a perda da bolsa concedida e, de ser o caso, o reintegro das cantidades cobradas.

O/a bolseiro/a está obrigado/a a comunicar, se é o caso, a renuncia á bolsa tan pronto como se produza a causa que determine a dita renuncia.

O VICERREITOR DE RELACIÓNS INSTITUCIONAIS
Por Delegación de competencias (R.R. 15.05.03)

Fco. Xavier Martínez Cobas

DILIXENCIA para facer constar que esta
Resolución publicase con esta data nos
Rexistros desta Universidade.
Vigo, 8 de xullo de 2004
A SECRETARIA DO VICERREITOR DE
RELACIÓNS INSTITUCIONAIS

María José Ríos Santomé